

OKVIRNI SPORAZUM O NABAVCI GRAĐEVINSKOG MATERIJALA

Broj: 09-11-4-626-61/26

Sarajevo, 02.09.2026. godine

Na osnovu člana 32. stav (5), člana 69. stav (1) tačka a) i člana 70. stav (1) Zakona o javnim nabavkama („Službeni glasnik BiH“, broj: 39/14, 59/22 i 50/24), te na osnovu Preporuke Komisije za javnu nabavku, imenovane Rješenjem broj: 05-32-5-1597/26 od 11.08. 2026. godine, u postupku mini tenderisanja za nabavku roba – građevinskog materijala za izgradnju i obnovu stambenih objekata povratnika, federalni ministar donosi:

O D L U K U O IZBORU NAJPOVOLJNIJEG PONUĐAČA

Član 1.

Prihvata se Preporuka Komisije za javnu nabavku, broj: 09-11-4-626-60/26 od 02.09.2026. godine, te se Ugovor o javnoj nabavci u postupku mini tenderisanja za nabavku roba – građevinski materijal za izgradnju i obnovu stambenih objekata povratnika dodjeljuje ponuđaču „RADIUS“ d.o.o. Gračanica, sa sjedištem u Gračanici, ulica Branilaca Kule grada bb, kao prihvatljivom i najbolje ocijenjenom ponuđaču, na osnovu ponude broj: 001/26-N od 31.08.2026.godine, za ukupnu cijenu od 268.982,71 KM (sa PDV-om).

Član 2.

Prijedlog ugovora o nabavci dostavit će se izabranom ponuđaču „RADIUS“ d.o.o. Gračanica, u skladu sa članom 98. stav (2) Zakona o javnim nabavkama, uz obavezno upućivanje obavještenja o zaključenom ugovoru svim učesnicima u postupku nabavke.

Član 3.

Ova Odluka objavit će se na web stranici ugovornog organa (www.fmroi.gov.ba) istovremeno s upućivanjem obavještenja ponuđačima o rezultatima postupka, u skladu sa članom 70. stav (6) Zakona o javnim nabavkama.

Član 4.

Ova Odluka stupa na snagu danom donošenja.

O b r a z l o ž e n j e

Postupak mini tenderisanja za nabavku građevinskog materijala za izgradnju i obnovu stambenih objekata povratnika na području Općina/Gradova: Jajce – 5 korisnika, Travnik – 3 korisnika, Novi Travnik – 3 korisnika i Bugojno – 5 korisnika, odnosno za ukupno 16 stambenih objekata, pokrenut je Pozivom za dostavljanje ponuda broj: 09-11-4-626-46/26 od 24.08.2026. godine.

Procijenjena vrijednost javne nabavke iznosi 242.000,00 KM, bez PDV-a.

Kriterij za dodjelu ugovora je „najniža cijena“.

Komisija za javnu nabavku dostavila je Zapisnik o pregledu i ocjeni ponuda broj: 09-11-4-626-59/26 od 02.09.2026.godine, u kojem je konstatovano da su zaprimljene dvije ponude, koje su formalnopravno ispravne i blagovremeno dostavljene, te je izvršena njihova ocjena u skladu sa Zakonom o javnim nabavkama i tenderskom dokumentacijom.

U Tabeli broj 1, u skladu s provedenim postupkom iz člana 1. ove Odluke, navedeni su ponuđači koji su dostavili blagovremene i formalnopravno ispravne ponude.

R.br ponude	Naziv ponuđača	Datum i vrijeme zaprimanja ponuda	Ukupna cijena ponude sa popustom na javnom otvaranju u KM (bez PDV-a)
1.	„RADIUS“ d.o.o. Gračanica	31.08.2026.god. u 09:00 h	229.900,00 KM
2.	„ALMY“ d.o.o. Zenica	31.08.2026.god. u 09:35 h	272.058,55 KM
3.	-----	-----	-----
4.	-----	-----	-----

Konstatovano je:

- da su ukupno dostavljene dvije (2) ponude;
- da su blagovremeno zaprimljene dvije (2) ponude;
- da nije bilo neblagovremeno zaprimljenih ponuda;
- da su ponude zaprimljene u predmetnom postupku nabavke ispunjavale formalnopravne uslove u skladu sa Zakonom o javnim nabavkama i odredbama tenderske dokumentacije ugovornog organa.

Zaprimljene ponude su blagovremene, formalnopravno ispravne i ocijenjene prema kriteriju „najniža cijena“.

U Tabeli broj 2 dat je pregled ponuda i izvršeno njihovo rangiranje u skladu s kriterijem za dodjelu ugovora „najniža cijena“, kako slijedi:

RB	Naziv ponuđača	Cijena iz obrasca ponude bez popusta i bez PDV-a, nakon računske kontrole izražena u KM	Popust izražen u KM	Ponuđena cijena izražena u KM (sa popustom i PDV-om nakon računske kontrole)
1.	„RADIUS“ d.o.o. Gračanica	241.999,74 KM	12.099,99 KM	268.982,71 KM
2.	„ALMY“ d.o.o. Zenica	272.058,55 KM	0,00 KM	318.308,50 KM
3.	-----	-----	-----	-----
4.	-----	-----	-----	-----

Nakon izvršene ocjene ponuda, Komisija za javnu nabavku je, uz Zapisnik o pregledu i ocjeni ponuda broj: 09-11-4-626-59/26 od 02.09.2026.godine, dostavila Preporuku za prihvatanje ponude i donošenje Odluke o izboru najpovoljnijeg ponuđača broj: 09-11-4-626-61/26 od 02.09.2026. godine, kojom je predloženo da se ugovor dodijeli ponuđaču „RADIUS“ d.o.o. Gračanica, za ponuđenu cijenu u iznosu od 268.982,71 KM sa PDV-om.

U postupku donošenja ove Odluke posebno je cijenjena činjenica da je Komisija pravilno i potpuno izvršila ocjenu kvalifikovanosti ponuđača, kao i pregled i ocjenu pristiglih ponuda, u skladu sa Zakonom o javnim nabavkama („Službeni glasnik BiH“, br. 39/14, 59/22 i 50/24) i kriterijima utvrđenim Pozivom za dostavljanje ponuda.

Uzimajući u obzir naprijed navedeno, a primjenom člana 64. stav (1) tačka b) Zakona o javnim nabavkama („Službeni glasnik BiH“, br. 39/14, 59/22 i 50/24), odlučeno je kao u članu 1. ove Odluke.

POUKA O PRAVNOM LIJEKU:

U skladu s članom 101. stav (3) Zakona o javnim nabavkama („Službeni glasnik BiH“, br. 39/14, 59/22 i 50/24), protiv ove Odluke svaki ponuđač koji je učestvovao u postupku nabavke može izjaviti žalbu u roku od deset (10) dana nakon što ugovorni organ obavijesti ponuđače da je ugovor na osnovu okvirnog sporazuma zaključen, i to u odnosu na postupak dodjele ugovora u sklopu okvirnog sporazuma.

Žalba se izjavljuje Uredu za razmatranje žalbi Bosne i Hercegovine putem ugovornog organa – Federalnog ministarstva raseljenih osoba i izbjeglica, u pisanoj formi, neposredno ili preporučenom poštanskom pošiljkom na adresu ugovornog organa, u skladu s članom 99. Zakona o javnim nabavkama („Službeni glasnik BiH“, br. 39/14, 59/22 i 50/24).



Dostaviti:

- Svim učesnicima u postupku
- Web stranica Ministarstva
- Dokumentacija Komisije
- a/a